

## Tuhaayukhaq

Qillaminuaq Tuhaqtitauyukhaq



Tallimauuyut Napaqtirutikhangit Havaaqhat Nunavunmi Pivakhimayut Katitiqhimaplutik  
Gavamanmi Maniktaqvikharnik  
Havaaqhangit angirutiqaqhimat talvanga Nuutaani Napaqtirutikharnik Kanatami Maniktaqvikhangit Mikiuniituni  
Nunalaani Maniktaqvikhag

Iidjiruria 29, 2016

Iqaluit, Nunavut

Nan'ngariayuq Hunter Tootoo, Ministauyuq Iqaluliqiyunik, Tariungnik, Kanaitian Umiaqyuangit  
Munaqtuyut Ministauyuqlu Maligaliuqyuarvingmi Nunavunmun, Iqalungmiitpaktuq ublumi tuhaqtitiyaangat  
maniktaqvikhangit tallamauyunik havaaqhangit Nunavunmi nunalaangit talvanga Gavamangit Kanatam  
Mikiuniituni Nunalaani Maniktaqvikhag. Minista Tootoo qaiqatigivaktaingit Nunavutim Hivuliqtia Peter  
Taptuna, Joe Savikataaqlu, Ministauyuq Nunalingni Gavamatkunniliu Pivikhaqautikkutni.

Havaaqhangit nallaumaniqaqtun havaktauluaqtukhat nunalaani napaqtirutikhak nunaptingni, ilauqaqtun  
pitquhiliqinikkut katimavikharnik Kinngaitmi, ihuaqhaijdutikharnik Iqaluktuutiaq Ulapqivikyuangit, Iqalungni  
Puivyaliqivikhaarnik. Ilqaqtutlu qaffiuyut nunalaaniitunik ulapqivikyuangit ihuaqhaijdutikharnik  
nuutaanguqtirutikharniklu, tamnalu himiqtautikharnik utuqangayut hilami ulapqidjutikhangit  
aviktuqvingniitunik. Iniqtirumitkik, ukuat havaaqhangit aituutiniaqtun anginirmik hivutunirmik,  
ilaugiaqaqtun atuguminaqtukharniklu nunalaani talvani Tunnganirmi.

Talvanga Mikiuniituni Nunalaani Maniktaqvikhag, gavamangit Kanatami Nunavunmilu havakhimaaqtun  
ilaqatigiikhutik tuniyaangat maniktaqvikharnik piqaluuaqtukharnik nunalaani napaqtirutikharnik  
havaaqharnik aulatitiniaqtun nunalaani piumaluaqtunik nunalaaqni tamainilu nunaptingni.

Kanatam Gavamangit tuniniaqtun manikharnik taimaitumik \$25,363,862 tallamik katitiqhimayut  
havaktauniaqtun akikhaqaqniaqtun taima \$49,919,318 tallamik ukuninga tallimauuyut havaaqhangit.  
Nunavut Gavamanlu aituuniaqtun \$6,540,600 tallamik. Tamangnun Hamilaatkunnun Kinngaitmi  
Nunalipauyaqmunlu Iqalungmun aituniaqtun nallautiqhimayumik akikharnik imaa \$18,100,918 tallanik  
talvunga nanminigiyangit napaqtirutikharnik havaaqharnun. Tamna Mikiuniituni Nunalaani  
Maniktaqvikhag piutikhangit Nunavut manikhangit imaatun ituq \$\$25,620,000 tallanik.

## Uqaqhimayait

"Quviahuktunga tuhaqtitiyaangat maniktaqvikhangit ukuninga havaaqhangit havaqatigiyaga Amarjeet  
Sohi, Ministauyuq Napaqtiliqinikkut Nunalaaniklu. Gavamavut atuguminaqtunik aulatitihimaaliqtun  
maniliqidjutikharnik nunalaaptingnun, inulramiinun, pitquhiptigun, maniliurutikharniklu nunaptingni.  
Havaqatigiikhimaaqtavutlu Nunaptingni gavamangit nunalaangitlu tamaini Nunavunmi."

*Nan'ngariayuq Hunter Tootoo,  
Ministauyuq Iqaluliqiyunik, Tariungnik, Kanaitian Umiaqyuangit Munaqtuyut Ministauyuqlu Maligaliuqyuarvingmi  
Nunavunmun*

"Nuutaanguqtigyaangat nunalaani napaqtirutikhangit piumaluaqtangit Nunavut Gavamangit.  
Aulahimaarniaqtugut havaqatigyaangat Kanata takuyaangat pidjutikharnik havaktavut pidjutikharnik  
tamainun Nunavunmi. Ublumimun tuniqhaijdutikhangit ikayutiginiaqtun hivunikharnik pidjutikharnik  
nunalaaptingnun atuqhimaaqtilugit ukuat inikhangit hulilukaagianganik taima aulainaqtun ubluumanin  
aulahimaaqtun ulapqivikyuangani."

*Nan'ngariayuq Peter Taptuna  
Nunavunmi Hivuliqtuuyuq*

“Taima atuguminaqtuq takuyaangat ikayuutikharnik napaqtirutikharnik havaaqhangit ihuaqhaidiyumiqtitiyaangat pidjutikharnik talvuuna pitquhiliqinikkut ulapqivikhangitlu katimayuarutingnik. Ukuat havaaqhangit ikayuutiniaqtun pidjutikharnik atuguminaqtunik nunalaani inuuhiridjutikharnik tamaini nunaptingnik hivutunigaalungnirmun.”

*Nan'ngariayuq Joe Savikataaq  
Ministauyuq Nunaliningni Gavamatkunnillu Pivikhaqaautikkut, Nunavunmi*

## **Aulayut Katitirutikhhat Qaritauyakkut**

Takulugu <http://news.gc.ca/web/article-en.do?nid=1036559> tamaat titiraqhimayunik havaaqhangit tapkuninga maniktaqvikhangit.

Naunaiqyumiqumaguvit talvuuna Mikiuniituni Nunalaani Maniktaqvikhak, pulaaqlutin: <http://www.infrastructure.gc.ca/plan/sc-cp-eng.html>.

- 30 -

### **Hivayagiaqaqtan**

Brook Simpson  
Tuhaqtitiyukharnik Titiraqtii  
Afisiani Ministam Napaqtiliqiyunik Nunalaangitlu  
613-219-0149  
[Brook.Simpson@Canada.ca](mailto:Brook.Simpson@Canada.ca)

Kris Mullaly  
Atugakhat Qauyihaiyi/Tuhaqtitiyiqhimaaqtiiyuq Havakti  
Nunavut Gavaman  
867- 975-5342  
[kmullaly@gov.nu.ca](mailto:kmullaly@gov.nu.ca)

Napaqtitiyikket Kanatami  
613-960-9251  
Akiituq: 1-877-250-7154  
[media@infc.gc.ca](mailto:media@infc.gc.ca)  
Twitter-kut: [@INFC\\_eng](#)  
Qaritauyakkut: [Infrastructure Canada](#)